

**Bosna i Hercegovina
Federacija Bosne i Hercegovine
Zeničko-dobojski kanton**

OPĆINA KAKANJ
*Služba za privredu, urbanizam
i zaštitu okoline*



**Bosnia and Herzegovina
Federation of Bosnia and Herzegovina
Zenica-Doboj Canton**

MUNICIPALITY OF KAKANJ
*Department of Economy, Urban Land-Use
Planning and Environment*

PRIJEDLOG

P R O G R A M

UTROŠKA SREDSTAVA IZ BUDŽETA OPĆINE KAKANJ ZA PODSTICAJ RAZVOJA PODUZETNIŠTVA I OBRTA ZA 2020. GODINU

Kakanj, juni, 2020. godine

BOSNA I HERCEGOVINA
PRIJEDLOG
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKO VIJEĆE

Broj: 01/1-_____/20
Kakanj, _____. _____.2020. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09) i člana 24. Statuta Općine Kakanj („Službene novine Općine Kakanj“, broj: 4/08), a u vezi sa članom 59. Odluke o izvršavanju Budžeta Općine Kakanj za 2020. godinu, broj: 01/1-37-382/19 od 30.12.2019. godine („Službene novine Općine Kakanj“, broj: 01/20), Općinsko vijeće na ____ sjednici, održanoj dana _____. _____.2020. godine, u s v o j i l o j e

P R O G R A M
UTROŠKA SREDSTAVA IZ BUDŽETA OPĆINE KAKANJ
ZA PODSTICAJ RAZVOJA PODUZETNIŠTVA I OBRTA ZA 2020. GODINU

1. Podaci o Programu

Program utroška sredstava iz Budžeta Općine Kakanj za podsticaj razvoja poduzetništva i obrta za 2020. godinu sa kriterijima raspodjele temelji se na dijelu odobrenih sredstava za ovu namjenu u Budžetu Općine Kakanj za 2020. godinu sa pozicija „Subvencije za podsticaj razvoja poduzetništva i obrta-Program OV-a“ u iznosu 385.000,00 KM, Ostale usluge iz Programa „Subvencije za podsticaj razvoja poduzetništva i obrta“ u iznosu 50.000,00 KM i Naknade iz Programa „Subvencije za podsticaj razvoja poduzetništva i obrta“ u iznosu 5.000,00 KM (u daljem tekstu: Program), a shodno Zakonu o izdvajanju i usmjeravanju dijela prihoda preduzeća ostvarenim radom termoelektrana (Službene novine FBiH, broj: 80/14).

2. Period realizacije Programa

Sredstva namijenjena za podsticaj razvoja poduzetništva i obrta na području općine Kakanj realizovaće se u tekućoj 2020. godini.

3. Raspoloživi iznos sredstava

440.000,00 (četiristotinečetredesethiljada) KM.

4. Namjena Programa

- 4.1. Refundacija troškova registracije novoosnovanih poslovnih subjekta;
- 4.2. Projekat „Pokreni svoj posao u Kakanju“;
- 4.3. Sufinansiranje troškova zapošljavanja u skladu sa potrebama poduzetnika i obrtnika sa područja općine Kakanj;

- 4.4. Sufinansiranje projekta „Međuopćinskom saradnjom do bolje i inkluzivnije prakse podrške start up-ima“;
- 4.5. Sufinansiranje projekta u saradnji sa njemačkom nevladinom organizacijom HELP;
- 4.6. Sufinansiranje zapošljavanja osoba sa invaliditetom;
- 4.7. Učešće na sajmovima i promocija razvoja poduzetništva i obrta;
- 4.8. Ugovorene obaveze prema korisnicima podsticajnih sredstava za projekte „Pokreni svoj posao u Kaknju“ i „Regresiranje kamata za kredite odobrene u komercijalnim bankama za poduzetnike i obrtnike sa područja općine Kakanj“, te ugovorena obaveza za simulator vožnje;
- 4.9. Neisplaćeni podsticaji iz 2019. godine;
- 4.10. Rezervna sredstva.

5. Korisnici Programa

Novoosnovani poslovni subjekti registrovani na području općine Kakanj (obrtničke radnje u osnovnom zanimanju, trgovačke i ugostiteljske radnje i preduzeća – d.o.o. i dr.), obrtnici sa područja općine Kakanj registrovani u 2018. i 2019. godini, nezaposlene osobe sa područja općine Kakanj i lica sa invaliditetom.

6. Izvor sredstava

Budžet Općine Kakanj za 2020. godinu, pozicije „Subvencije za podsticaj razvoja poduzetništva i obrta – Program OV-a, ekonomski kod: 614500, »Ostale usluge iz Programa „Subvencije za podsticaj razvoja poduzetništva i obrta“« ekonomski kod 613900 i »Naknade iz Programa „Subvencije za podsticaj razvoja poduzetništva i obrta“«, ekonomski kod 613900 („Službene novine Općine Kakanj“, broj: 01/20).

UVODNI DIO

Programom utroška sredstava iz Budžeta Općine Kakanj za podsticaj razvoja poduzetništva i obrta za 2020. godinu, Općina Kakanj nastoji:

- razviti poduzetničku svijest među mladim osobama,
- povećati broj i održivost obrtničkih radnji i preduzeća - d.o.o.,
- povećati broj zaposlenih na području općine Kakanj.

U skladu sa Zakonom o podsticaju razvoja male privrede („Službene novine Federacije BiH“ broj: 19/06 i 25/09) kojim se uređuje planiranje, osiguranje sredstava i provedba mjera razvoja male privrede u Federaciji BiH, omogućeno je da lokalne zajednice mogu u svojim Budžetima izdvojiti finansijska sredstva za podsticaje. Na osnovu toga su u Budžetu Općine Kakanj za 2020. godinu odobrena sredstva za podsticaj razvoja poduzetništva i obrta.

I VRSTE I NAČIN OSTVARIVANJA PODSTICAJA

R/b	Naziv podsticaja	Planirana sredstva/KM
1.	Refundacija troškova registracije novoosnovanih poslovnih subjekata	20.000,00
2.	Projekat „Pokreni svoj posao u Kaknju“	60.000,00
3.	Sufinansiranje troškova zapošljavanja u skladu sa potrebama poduzetnika i obrtnika sa područja općine Kakanj	45.000,00
4.	Sufinansiranje projekta „Međuopćinskom saradnjom do bolje i inkluzivnije prakse podrške start up-ima“	10.000,00
5.	Sufinansiranje projekta u saradnji sa njemačkom nevladinom organizacijom HELP	30.000,00
6.	Sufinansiranje zapošljavanja osoba sa invaliditetom	5.500,00
7.	Učešće na sajmovima i promocija razvoja poduzetništva i obrta	15.000,00
8.	Ugovorene obaveze prema korisnicima podsticajnih sredstava za projekte „Pokreni svoj posao u Kaknju“ i „Regresiranje kamata za kredite odobrene u komercijalnim bankama za poduzetnike i obrtnike sa područja općine Kakanj“, te ugovorena obaveza za simulator vožnje	213.000,00
9.	Neisplaćeni podsticaji iz 2019. godine	25.895,66
10.	Rezervna sredstva	15.604,34
UKUPNO		440.000,00

1. Refundacija troškova registracije novoosnovanih poslovnih subjekata

Na ovaj način refundiraju se troškovi registracije novoosnovanih poslovnih subjekata registrovanih na području općine Kakanj.

Kroz ovaj podsticaj nastoji se povećati broj i održivost preduzeća/obrta na području općine Kakanj, doprinijeti razvoju poduzetničke svijesti, te povećati broj zaposlenih na području naše općine.

Pravo na podsticaj imaju fizička i pravna lica koja registruju djelatnost, osnuju firmu na području općine Kakanj u periodu od 17.12.2019. – 15.12. 2020. godine i nemaju obaveza po osnovu javnih prihoda.

Za ostvarivanje podsticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji izdato od nadležne institucije;
- obavještenje o razvrstavanju djelatnosti prema Klasifikaciji djelatnosti;
- dokazi o plaćenim taksama i troškovima registracije djelatnosti odnosno osnivanja firme (uplatnice, računi i dr.);
- dokaz o otvorenom bankovnom računu poslovnog subjekta.

Refundacija troškova osnivanja firme ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme.

Zahtjevi za refundaciju predmetnih troškova sa potrebnom dokumentacijom podnose se Službi za privredu, urbanizam i zaštitu okoline putem prijemne kancelarije Općine Kakanj do 15.12.2020. godine.

Refundacija troškova osnivanja trgovačkih i ugostiteljskih radnji može biti ostvarena jednom u toku 2020. godine za jedan poslovni prostor.

2. Projekat „Pokreni svoj posao u Kaknju“

Ovim podsticajem predviđeno je sufinansiranje pokretanja i održavanje malih biznisa – preduzeća – d.o.o., obrta i srodnih djelatnosti (osim poljoprivrede i javnog prijevoza), trgovina na malo ostalom robom u specijaliziranih prodavnicama (apoteke, trgovina na malo novom robom, trgovina na malo cvijećem, sadnicama i sl., trgovina na malo nakitom i satovima i dr.).

Korisnici ovog podsticaja su nezaposlene osobe sa područja općine Kakanj, koje se nalaze na evidenciji Biroa za zapošljavanje, a planiraju registrovati djelatnost, te fizička/pravna lica koja su registrovala djelatnost u 2020. godini, a prethodno su se nalazila na evidenciji Biroa za zapošljavanje.

Podsticajna sredstva namijenjena su za:

- refundaciju troškova obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 24 mjeseca (prva godina u iznosu od 100%, a maksimalno 383,00 KM/mjesec, druga godina 50%, a maksimalno 191,50 KM/mjesec),
- sufinansiranje troškova pokretanja registrovane djelatnosti (nabavka mašina, opreme i repromaterijala neophodnog za registrovanu djelatnost) u iznosu do 3.000,00 KM.

Projekat obuhvaća sljedeće aktivnosti:

- objavljivanje Javnog poziva;
- apliciranje zainteresiranih kandidata;
- razmatranje i obrada pristiglih prijava (odabir);
- registracija djelatnosti (lica koja nisu registrovala djelatnost);
- potpisivanje Ugovora o realizaciji Projekta sa odabranim korisnicima;
- isplata odobrenog iznosa sredstava za sufinansiranje troškova pokretanja i održavanja vlastitog biznisa;
- monitoring.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- uvjerenje da se lice nalazi na evidenciji Biroa za zapošljavanje Općine Kakanj;
- rješenje o registraciji djelatnosti (ukoliko je firma registrovana);
- obavještenje o razvrstavanju djelatnosti prema Klasifikaciji djelatnosti (ukoliko je firma registrovana);
- biznis plan;
- ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 24 mjeseca od dana potpisivanja ugovora o realizaciji projekta „Pokreni svoj posao u Kakanju“.

Projekat će se realizovati tokom godine do utroška sredstava.

Komisija će nakon pristiglih prijava obaviti intervju sa prijavljenim kandidatima, ocijeniti iste i sačiniti rang listu prema broju ostvarenih bodova. Odabrani kandidati će nakon što registruju djelatnost (za lica koja nisu registrovana) potpisati ugovor sa Općinom.

Nakon potpisivanja ugovora o realizaciji Projekta, dostavljanja predračuna za nabavku sredstava i ovjerene izjave da će podsticajna sredstva namjenski utrošiti, Općina će na račun korisnika podsticaja uplatiti odobreni iznos za nabavku sredstava za rad, dok će korisnik sredstava biti obavezan u roku od mjesec dana od dana isplate u Službu za privredu, urbanizam i zaštitu okoline dostaviti račun (faktura uz fiskalni račun).

Troškovi obaveznih doprinosa će se uplaćivati mjesečno.

Prednost pri odabiru korisnika podsticajnih sredstava imaće oni koji pokrenu vlastiti biznis u sljedećim deficitarnim djelatnostima: građevinarstvo (fasadni i štukatorski radovi, postavljanje podnih i zidnih obloga i ostali građevinski radovi), popravak i instaliranje mašina i opreme, instalacijski radovi (vodovod, plin, kanalizacija i grijanje), servisi za opravak kućanskih aparata..

3. Sufinansiranje troškova zapošljavanja u skladu sa potrebama poduzetnika i obrtnika sa područja općine Kakanj

Ovom vrstom podsticaja omogućava se zapošljavanje nezaposlenih osoba sa područja općine Kakanj u trajanju od 12 mjeseci.

Korisnici predmetnog podsticaja su poduzetnici i obrtnici (osim trgovine i ugostiteljstva) registrovani na području općine Kakanj, koji redovno izmiruju obaveze po osnovu javnih prihoda i koji su u tekućoj godini zaposlili nove radnike ili imaju potrebu za zapošljavanjem istih.

Na ovoj način nastoji se dati šansa nezaposlenim osobama sa područja općine Kakanj koji se nalaze na evidenciji Biroa za zapošljavanje najmanje tri mjeseca, a u cilju njihovog zapošljavanja i unaprjeđenja radnih sposobnosti. Prednost će imati lica koja nemaju radno iskustvo.

Općina Kakanj će sufinansirati bruto plaću u iznosu 50% minimalne bruto plaće FBiH, a maksimalno do 325,00 KM/mjesečno u trajanju od 6 (šest) mjeseci, a poslodavac 50%. Također obaveza poslodavca je i da preostalih 6 mjeseci finansira u punom iznosu bruto plaću zaposlenika.

U skladu sa svojim finansijskim mogućnostima poslodavac može isplaćivati i veći iznos od iznosa utvrđenog ovim Programom.

Poslovnom subjektu se po Programu mogu odobriti podsticajna sredstva za zapošljavanje 1 (jedne) osobe. Ukoliko se na Javni poziv ne prijavi dovoljan broj poslovnih subjekata, prijavljenim subjektima se mogu odobriti podsticajna sredstva namijenjena za zapošljavanje više od 1 (jedne) osobe.

Za ostvarivanje podsticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji poslovnog subjekta;
- obavještenje o razvrstavanju djelatnosti prema Klasifikaciji djelatnosti;
- uvjerenje sa evidencije Biroa za zapošljavanja Kakanj/obrazac JS3100 za prijavljene novouposlene radnike uz dokaz da se lice do momenta zapošljavanja nalazilo na evidenciji Biroa za zapošljavanja;
- broj tekućeg računa poslovnog subjekta;
- ovjerenu izjavu:
 - da neće (ponovo) zaposliti osobu koju je otpustio u prethodnih šest (6) mjeseci;
 - da će zadržati postojeći broj radnika uvećan za broj primljenih radnika u narednih 12 mjeseci;
 - da u posljednjih šest (6) mjeseci nije smanjivao broj radnika.

Projekat će biti realiziran tokom godine do utroška sredstava.

4. Sufinanciranje projekta „Međuopćinskom saradnjom do bolje i inkluzivnije podrške prakse start up-ima

Projekat „Međuopćinskom saradnjom do bolje i inkluzivnije podrške prakse start up-ima u partnerstvu implementiraju Općina Jablanica, Općina Kakanj, Općina Konjic, Udruženje za poduzetništvo i posao LINK, Služba za zapošljavanje HNK, Služba za zapošljavanje ZDK-a (Biro za zapošljavanje Kakanj), Univerzitet Džemal Bijedić, Radin doo Mostar i Jablanit doo Jablanica.

Ukupna vrijednost Projekta za Općinu Kakanj iznosi 81.115,67 KM od čega donator uplaćuje 59.695,67 KM, a Općina Kakanj učestvuje sa 21.420,00 KM (2020. godina cca 10.000,00 KM, a ostatak u 2021. godini).

Cilj realizacije Projekta je nastojati direktno poboljšati inkluzivnu poduzetničku infrastrukturu u Jablanici, Konjicu i Kakanju kroz kreiranje sveobuhvatnog i inkluzivnog sistema podrške za razvoj novih biznisa, koji će predstavljati novu preduzetničku infrastrukturu za ranjive kategorije.

Sveobuhvatni sistem podrazumjeva da će osobe koje žele registrovati i voditi biznis u argoruralnom i turističkom sektoru, dobiti podršku prije osnivanja biznisa, za osnivanje biznisa, te vođenje biznisa.

Projekat će kreiranjem i implementacijom sveobuhvatnog sistema podrške pružiti direktnu podršku za pripadnika ranjivih kategorija i podržati 20 novih biznisa i 20 radnih mjesta koji će biti osnovani od strane ovih kategorija (uključujući sve tri partnerske Općine).

5. Sufinansiranje projekta u saradnji sa njemačkom nevladinom organizacijom HELP

Sa ove pozicije planirano je sufinansiranje Projekta koji Općina Kakanj planira realizovati u saradnji sa Njemačkom nevladinom organizacijom HELP.

Ukupna vrijednost Projekta cca 82.000,00 KM.

Cilj Projekta je olakšati inkubaciju samostalnih biznisa i samozapošljavanje kroz mjere pomoći za sticanje dohotka u ciljanom ekonomskom sektoru.

Projekat će pomoći 18 odabranih korisnika sa područja općine Kakanj, u vidu grantova koje će obezbijediti HELP u saradnji sa Općinom Kakanj. Svaki grant će se sastojati od materijalnih sredstava potrebnih za poslovnu aktivnost. Ukupna vrijednost pojedinačnog podsticaja će biti u prosjeku 2.000,00 eura. Projekat sufinansiraju HELP 50%, Općina Kakanj 35%, a krajnji korisnici 15% od ukupne vrijednosti podsticaja.

6. Sufinansiranje zapošljavanja osoba sa invaliditetom

Podsticajna sredstva za zapošljavanje osoba sa invaliditetom namijenjena su za sufinansiranje nabavke repromaterijala, finansiranje zakupa poslovnog prostora i režijske troškove firmama i poslovnim jedinicama registrovanim na području općine Kakanj koje upošljavaju osobe sa invaliditetom preko 50% invaliditeta sa područja općine Kakanj.

Podsticaj će se realizovati tokom godine do utroška sredstava.

7. Učešće na sajmovima i promocija razvoja poduzetništva i obrta

Iz navedenih sredstava planiraju se finansirati sljedeći izdaci:

- sajmovi, promocija poduzetnika i obrtnika, obavještanje o podsticajima i sl.

8. Ugovorene obaveze prema korisnicima podsticajnih sredstava za projekte „Pokreni svoj posao u Kaknju“ i „Regresiranje kamata za kredite odobrene u komercijalnim bankama za poduzetnike i obrtnike sa područja općine Kakanj“

Shodno ugovorenim obavezama prema korisnicima podsticajnih sredstava „Pokreni svoj posao u Kaknju“ iz 2018. i 2019. godine (refundacija troškova obaveznih doprinosa i sufinansiranje nabavke sredstava za rad, repromaterijal, opremu i sl., za registrovanu djelatnost) sa ove pozicije će se isplaćivati podsticajna sredstva za 69 korisnika sa kojima su potpisani ugovori u 2018. i 2019. godini.

Također će se sa ove pozicije isplaćivati i podsticajna sredstva za 16 korisnika koji su u proteklim godinama (2016., 2018. i 2019. godina) ostvarili pravo za „Regresiranje kamata za kredite odobrene u komercijalnim bankama za poduzetnike i obrtnike sa područja općine Kakanj“ (Općina Kakanj korisniku podsticaja refundirati kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama), te simulator vožnje koji je nabavljen za potrebe Mješovite srednje škole (ugovor broj: 02/1-9070/19).

9. Neisplaćeni podsticaji

Zbog slabog priliva naknada od rada TE pojedini podsticaji nisu isplaćeni u 2019. godini i isplatiće se iz Programa utroška sredstava iz Budžeta Općine Kakanj za podsticaj razvoja poduzetništva i obrta za 2020. godinu.

10. Rezervna sredstva

Sredstva za hitne i nepredviđene aktivnosti u oblasti poduzetništva i obrta koje se pojave tokom budžetske godine, u skladu sa utvrđenim kriterijima ovog Programa.

Realizacija – do kraja decembra tekuće godine.

Napomena: Jedan aplikant može ostvariti pravo na podsticaj maksimalno sa 2 pozicije. Prednost pri odabiru korisnika općinskih podsticajnih sredstava imaju oni podnosioci zahtjeva koji prethodnih godina nisu bili korisnici istog.

II ZAVRŠNI DIO

Isplata podsticajnih sredstava će se obaviti na transakcijski račun korisnika istih, a otvoren kod poslovnih banaka.

Ukoliko planirani iznos sredstava za određenu vrstu podsticaja iz objektivnih razloga u cjelosti ili djelimično ne bude utrošen, Služba za privredu, urbanizam i zaštitu okoline Općine Kakanj može uz saglasnost Općinskog načelnika navedena neutrošena sredstva usmjeriti na realizaciju drugih podsticaja iz ovog Programa.

Služba za privredu, urbanizam i zaštitu okoline Općine Kakanj će na kraju budžetske godine sačiniti Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2020. godinu, te isti dostaviti Općinskom vijeću na razmatranje i usvajanje.

**PREDSJEDAVAJUĆI
OPĆINSKOG VIJEĆA**

Slaven Katičić